

# Xubinta - Su'aalaha Badanaa La Isweydiyo

## Qorshaha Caafimaadka Oregon (OHP) ee loogu talagalay Da'yarta qabta Baahiyaha Daryeelka Caafimaadka ee Gaarka ah (YSHCN)

Dukumeentigan wuxuu jawaabo ka bixinayaa su'aalaha caamka ah ee ku saabsan barnaamijka Da'yarta qabta Baahiyaha Daryeelka Caafimaadka ee Gaarka ah ee Qorshaha Caafimaadka Oregon (Young Adults with Special Health Care Needs, YSHCN).

## Jadwalka Tasmada

<b>Xubinta - Su'aalaha Badanaa La Isweydiyo</b> .....	<b>1</b>
1. Waa maxay barnaamijka Da'yarta qabta Baahiyaha Daryeelka Caafimaadka ee Gaarka ah?.....	2
2. Goormuu barnaamijka cusub bilaabmi doonaa? .....	3
3. Muxuu barnaamijka Da'yarta qabta Baahiyaha Daryeelka Caafimaadka ee Gaarka ah daboolaa?.....	3
4. Sidee baan u codsadaa YSHCN?.....	3
5. Sidee baan ku ogaan karaa haddaan u qalmo YSHCN? .....	4
6. Da'dee ayuu qofku ugu qalmi karaa YSHCN?.....	4
7. Ma heli karaa dheefaha YSHCN?.....	4
8. Waa maxay macluumaadka aan u baahanahay inaan bixiyo si aan ugu qalmo YSHCN?.....	5
9. Miyaa xubnaha YSHCN looga baahan yahay inay iska diiwaangaliyaan ururada daryeelka la isku duway CCOs? .....	5

10. Miyey tahay inaan cusboonaysiiyo dheefahayga YSCHN? .....	5
11. Waa maxay sababta YSHCN u dhammaato? .....	6
12. Miyaa YSHCN loo isticmaali karaa cayminta daryeelka muddada dheer? .....	6
13. Ma heli karaa YSHCN haddaan leeyahay caymin Healthier Oregon? .....	6
14. Sidee baan jawaabo ku heli karaa haddaan qabo su'aalo dheeraad ah? .....	6

## 1. Waa maxay barnaamijka Da'yarta qabta Baahiyaha Daryeelka Caafimaadka ee Gaarka ah?

- Da'yarta qabta Baahiyaha Daryeelka Caafimaadka ee Gaarka ah waa barnaamij cusub oo siiya Qorshaha Caafimaadka Oregon (OHP) dadka da'doodu tahay 19 ilaa 25 ee qaba xaaladaha caafimaadka qaarkood. Xaaladaha caafimaadku waxay ahayd inay bilowdeen 19 jirka kahor. Waxaa waajib ah in dakhligaagu yahay ama ka hooseeyo 205% ee Heerka Saboolnimada Fadaraalka (FPL) si aad ugu qalanto. Waxaad haysan kartaa barnaamijkan kalidii ama sida caymiska dheeraadka ee OHP.

Tirada qoyska	205% FPL ee 2024
1	\$2,573 bishii
2	\$3,492
3	\$4,411
4	\$5,330

- Dheefaha YSHCN ee cusub waxay kaa caawin karaan inaad hesho daryeelka aad u baahan tahay markaad u wareegayso dheefaha dadka waawayn ee OHP. Barnaamijku sidoo kale wuxuu leeyahay xadad dakhli oo sarreeya marka

loo eego barnaamijyada kale ee OHP. Sidaas ayey dhallinyaro fara badan oo qabta baahiyaha daryeelka caafimaadka ee gaarka ah u heli karaan una haysan karaan cayminta OHP.

## 2. Goormuu barnaamijka cusub bilaabmi doonaa?

- Barnaamijku wuxuu bilaabmayaa Janaayo 1, 2025. Dadka da'doodu tahay 19 iyo 20 ayaa laga yaabaa inay u qalmaan sannandka 2025.

## 3. Muxuu barnaamijka Da'yarta qabta Baahiyaha Daryeelka Caafimaadka ee Gaarka ah daboolaa?

- Cayminta Da'yarta qabta Baahiyaha Daryeelka Caafimaadka ee Gaarka ah waa Qorshaha Caafimaadka Oregon (OHP). Sidoo kale wuxuu daboolaa waxyaalo badan marka loo eego barnaamijyada OHP ee kale ee dadka waawayn. Tusaale ahaan, adeegyada araga iyo ilkaha oo dheeraad ah, iyo [dhammaan daryeelka caafimaad ahaan daruuriga ah iyo daryeelka caafimaad ahaan habboon](#). Dadku sidoo kale waxay heli karaan dheefaha [Baahiyaha Bulsheed ee Caafimaadka la Xiriira](#). Dadka u qalma dheefta Da'yarta qabta Baahiyaha Daryeelka Caafimaadka ee Gaarka ah waa in loo cusboonaysiiyaa 2-dii sanaba mar.

## 4. Sidee baan u codsadaa YSHCN?

- Haddaad hore u lahayd Qorshaha Caafimaadka Oregon (OHP) marka barnaamijku bilawdo Janaayo 2025, aad tahay 19 ama 20 jir, oo dakhligaagu ka hooseeyo 205% ee Heerka Saboolnimada Fadaraalka (FPL), waxaanu kuu soo diri doonnaa waraaq lagugu waydiinayo su'aalo ku saabsan baahiyahaaga daryeelka caafimaadka. Haddaad buuxiso oo aad soo celiso waraaqdan, waxaanu arki doonnaa haddaad u qalanto oo waxaan kuu soo diri doonnaa waraaq ku saabsan u qalmiddaada. Sidoo kale waxaanu isticmaali karnaa macluumaadka aanu hayno ee ku saabsan baahiyahaaga daryeelka caafimaadka si aan u ogaanno haddaad u qalanto.
- Sidoo kale waxaanu isticmaali karnaa macluumaadka horayba aanu u haynay si aan u ogaanno haddaad u qalanto. Haddaanu ogaanno inaad u qalanto, waxaanu kuu soo diri doonnaa ogaysiis oo aanu si otomaatig ah kaaga

diiwaangalin barnaamijka. Fadlan cinwaankaaga wixii iska beddela kolba nala socodsii si farriimaha aanu kuu soo dirayno aad u hesho.

- Waxaad ku ogaan kartaa haddaad u qalanto dheefaha YSHCN markasta inaad buuxiso arjiga OHP.

## 5. Sidee baan ku ogaan karaa haddaan u qalmo YSHCN?

- Ma aha khasab inaad ka diiwaangashan tahay Qorshaha Caafimaadka Oregon si aad ugu qalanto. Laakiin waa inaad buuxiso shuruudahan:
- Da'da: Laga bilaabo Janaayo 1, 2025, barnaamijka YSHCN waxa loogu talagalay dadka da'doodu tahay 19 iyo 20.
- Dakhliga: Dakhliga qoyskaaga soo galaa kama badnaan karo 205% ee heerka saboolnimada fadraalka (ilaa aad horeyba ugu qaadanaysay barnaamijka OHP heer dakhli oo ka sarreeya moojee).
- Xaaladaha caafimaadka: Waxaad leedahay jirro dabadheeraatay oo adag, xaalad caafimaadka habdhaqanka ah, ama waxaa lagaa helay naafonimo soo bilaabantay intaadan gaarin 19 jir.

## 6. Da'dee ayuu qofku ugu qalmi karaa YSHCN?

- Dheefaha Da'yarta qabta Baahiyaha Daryeelka Caafimaadka ee Gaarka ah waxay bilaabmaan 19 jirka. Waxaanu kuu sheegi doonnaa inaad ka jawaabto su'aalo baaris dalabkaaga OHP laga bilaabo 17 jirka. Sidaas darteed, haddaad u qalanto, waxaanu si otomaatig ah kuu diiwaangalin markaad gaarto 19 jir. Fadlan cinwaankaaga wixii iska beddela kolba nala socodsii si farriimaha aanu kuu soo dirayno aad u hesho.

## 7. Ma heli karaa dheefaha YSHCN?

- Waxaad ku ogaan kartaa inaad gasho xisaabta ONE Online oo aad eegto macluumaadkaaga dheefta ee bogga hore. Ama, waxaad la xiriiri kartaa 800-699-9075 (dhammaan wicitaanada gudbinta waa la qabanayaa. Caawimo ayaa lagu heli karaa luuqado badan).

## 8. Waa maxay macluumaadka aan u baahanahay inaan bixiyo si aan ugu qalmo YSHCN?

- Markaad xeraynayso arjigaaga OHP, waxaanu su'aalo kaa waydiin doonaa baahiyahaaga daryeelka caafimaadka, laakiin ku waydiin mayno su'aalo gaar ah oo ku saabsan waxa lagaa helay. Kuma khasbanid inaad ka jawaabto su'aalahan. Laakiin haddaadan ka jawaabin, ma garan karno haddaad u qalanto iyo haddii kale.
- Sidoo kale waxaanu isticmaali karnaa macluumaadka horayba aanu u haynay si aan u ogaano haddaad u qalanto. Haddaanu ogaano inaad u qalanto, waxaanu kuu soo diri doonaa ogaysiis oo aanu si otomaatig ah kaaga diiwaangalin barnaamijka. Fadlan cinwaankaaga wixii iska beddela kolba nala socodsii si farriimaha aanu kuu soo dirayno aad u hesho.
- Da'yarta qaarkood ayaa ogaaday inay u faa'ido badan tahay inay helaan macluumaad ku saabsan baahiyahooda daryeelka caafimaadka, ama waalid, daryeele, ama taageere la joogaa inuu ka jawaabo su'aalaha.

## 9. Miyaa xubnaha YSHCN looga baahan yahay inay iska diiwaangaliyaan ururada daryeelka la isku duway CCOs?

- Dadka u qalma dheefaha Da'yarta qabta Baahiyaha Daryeelka Caafimaadka ee Gaarka ah waxaa waajib ah inay iska diiwaangaliyaan Ururada Daryeelka la Isku Duway (CCO). Hase yeeshee, dadka qaar waa laga dhaafi karaa hadday qabiil ka tirsan yihiin ama ku jiraan caymin caafimaad oo gaar loo leeyahay.
- Macluumaad dheeraad ah oo ku saabsan waxay yihiin ururada daryeelka la isku daway, siday caawimo u bixin karaan, iyo si aad isku barbardhigi karto qorshayaasha, guji [halkan](#).

## 10. Miyey tahay inaan cusboonaysiiyo dheefahayga YSCHN?

- Haa. Marka dheefahaaga caafimaad u diyaar yihiin cusboonaysiin, waxaanu boosta kuugu soo diri doonaa waraaq. Waxay kuu sheegi in dheefaha si otomaatig ah loo cusboonaysiiyey ama waxay kuu sheegi haddaad u baahan tahay inaad tallaabo qaaddo.

## 11. Waa maxay sababta YSHCN u dhammaato?

- Dadka u qalma dheefaha Da'yarta qabta Baahiyaha Daryeelka Caafimaadka ee Gaarka ah waa in loo cusboonaysiiyaa 2-dii sanaba mar. Hase yeeshee, maadaama barnaamijka kaliya loo heli karo kuwa da'doodu tahay 19 ilaa 25, cayminta dheeraadka ah ee YSHCN bixiso waxay dhammaataa markaad gaarto 26 jir. Waxaad u guuri doontaa barnaamij OHP Plus oo kale ilaa la gaaro wakhtiga lagu cusboonaysiin lahaa.
- Cayminta waxaa sidoo kale soo afjari kara sida inaad ka guurto gobolka, inaad si iskaa ah u codsato inaad iska joojiso cayminta, inaad maxbuus noqoto, ama inaad lahayn baahi daryeel caafimaad ood ugu qalanto.

## 12. Miyaa YSHCN loo isticmaali karaa cayminta daryeelka muddada dheer?

- Adeegyada daryeelka muddada dheer qaarkood waa la caymin karaa haddaad leedahay (YSHCH). Haddaad su'aalo qabto, fadlan kala xiriir Adeegga Macmiilka ee ONE lambarka 1-800-699-9075 si aad u ogaato wax badan oo ku saabsan adeegyada iyo taageerooyinka muddada dheer (dhammaan wicitaanada gudbinta waa la aqbalayaa, caawimo ayaa lagu heli karaa luuqado badan).

## 13. Ma heli karaa YSHCN haddaan leeyahay caymin Healthier Oregon?

- Haa, haddaad hesho cayminta Healthier Oregon waxaad sidoo kale heli kartaa faa'idooyinka Da'yarta qabta Baahiyaha Daryeelka Caafimaadka ee Gaarka ah.

## 14. Sidee baan jawaabo ku heli karaa haddaan qabo su'aalo dheeraad ah?

- Waxaad wax badan kaga baran kartaa barnaamijka YSHCN barta [Oregon.gov/YSHCN](http://Oregon.gov/YSHCN). Haddaad xubin ka tahay CCO, waxaad toos ula xiriiri kartaa CCO-gaa gaarka ah. Cid kasta waa kala xiriiri kartaa Adeegyada Loo-adeegaha OHP 800-273-0557.

---

Dukumeentigan waxaad ku heli kartaa luuqado kale, far waaweyn, farta indhoolaha ama qaabka aad doorbidaysid. Kala xiriir Adeegga Macmiilka OHP lambarka 800-699-9075. Dhammaan wicitaanada sii gudbinta ah waa la aqbalaa. Caawimo ayaa lagu heli karaa luuqado badan.

Waaxda Nidaamka Caafimaadka  
Medicaid Programs  
500 Summer Street, NE, E-35  
Salem, OR 97301  
[Ask.OHP@odhsoha.oregon.gov](mailto:Ask.OHP@odhsoha.oregon.gov)

